

Հարգելի պարոն Պապիկյան.

Ի պատասխան Ձեր **22.05.2019թ. հ.01/251** գրության՝ տեղեկացվում է, որ «Երևան համայնքի վարչական տարածքում գտնվող քաղաքացիական հոգեհանգստի /հրաժեշտի/ ծիսակատարության ծառայությունների իրականացման և /կամ/ մատուցման համար նախատեսված շենքերին և շինություններին ներկայացվող սահմանափակումները, պահանջները և պայմանները սահմանելու մասին» Երևան քաղաքի ավագանու **2015** թվականի ապրիլի **30**-ի թիվ **319**-Ն որոշման հավելվածի **4**-րդ կետի **1**-ին ենթակետի համաձայն՝ քաղաքացիական հոգեհանգստի իրականացման սրահները կարող են գտնվել ուսումնական, կրթական, մշակութային, առողջապահական, մարզական և սոցիալական կազմակերպություններից, հիմնարկներից, հաստատություններից, հյուրանոցներից, բազմաբնակարան շենքերից, պետական և միջազգային կազմակերպությունների կամ դրանց ներկայացուցչությունների վարչական շենքերից, զբոսայգիներից, այգիներից, պուրակներից, հանգստի կամ ժամանցի համար նախատեսված այլ վայրերից, հանրային սննդի օբյեկտներից նվազագույնը **100** մետր, իսկ անհատական բնակելի տներից՝ նվազագույնը **70** մետր հեռավորության վրա, բացառությամբ, եթե դրանք գտնվելու են՝

ա) հիվանդանոցներում գործող ախտաբանաանատոմիական բաժիններում կամ բաժանմունքներում, կամ

բ) գերեզմանատներին (բացառությամբ Եռաբլուրի, Կոմիտասի անվան պանթեոնի) կից՝ գերեզմանատների զբաղեցրած հողամասի սահմանից մինչև **50** մետր հեռավորության վրա:

Հաշվի առնելով վերոգրյալը և այն հանգամանքը, որ անհատ ձեռնարկատեր Կարո Դիլարյանին պատկանող քաղաքացիական հոգեհանգստի սրահը գտնվում է Միքայելյան վիրաբուժության ինստիտուտի ախտաբանաանատոմիական բաժանմունքում, ինչպես նաև Քանաքեռի գերեզմանատան անմիջական հարևանությամբ, ուստի այս դեպքում հեռավորության սահմանափակման պահանջը չի գործում:

Միաժամանակ տեղեկացվում է, որ անհատ ձեռնարկատեր Կարո Դիլարյանին պատկանող քաղաքացիական հոգեհանգստի սրահն ունի Երևան քաղաքի ավագանու որոշման պահանջներին համապատասխան ավտոկայանատեղի: